



(foto: Paulien Tabak)

Buki di prenchi di escritora Arubana presenta

Na La Gare na Den Bosch a tuma lugar presentacion di e buki cu prenchi pa mucha 'Ollie, Assie en Pelie een modern sprookje over vriendschap', scirbi pa e autor Arubano Joyce Herry. E buki a keda ilustra pa Yvonne Duncan y diseña pa Paulien Tabak.

Esaki ta e prome presentacion di un buki di Joyce Herry cu e mes a publica. Den nomber di Minister Plenipotenciario a hiba palabra sr. Cor James y a bisa cu Aruba ta orguyoso ariba e talento di Joyce Herry.

E tema di e atardi aki tabata amistad cu tambe ta e tema di e buki cu Joyce a dedica na tur mucha den Reino Hulandes.

Joyce Herry a nace na Aruba y a biba mas cu binti aña na su isla natal. Na 1966 ela bin Hulanda pa sigi un estudio pa secretaria professional na e Intituto Schroevers. Como mucha caba Joyce tabata tin e ambicion pa bira escritora y awor a tuma e curashi pa realisa su soño.

E buki 'Ollie, Assie en Pelie' a capta interes di un instituto pa ciegonan y pa su sorpresa grandi durante di e presentacion Joyce a ricibi un ehemplar di su buki den Braille for di man di sra. Stella Coffie, un miembro visualmente incapacita di Fundacion Nos Baranka. Tambe e divicion di estudionan Caribense di Koninklijk Instituut voor Taal, Land en Volkenkunde na Leiden a mostra interes den e buki di Joyce Herry.